

BOSNA I HERCEGOVINA
FEDERACIJA BOSNE I HERCEGOVINE
KANTON SARAJEVO
GRAD SARAJEVO
OPĆINA NOVI GRAD SARAJEVO
OPĆINSKI NAČELNIK

Broj: 02/12-23-19034/18 LOT 1
Sarajevo, 16.11.2018.godine

Na temelju člana 64. stav (1) tačka b) najniža cijena, članova 25.,32. i člana 70. stav (1), (3) i (6), člana 123. stav (1) i (2) Zakona o javnim nabavkama ("Službeni glasnik BiH", broj 39/14), a u skladu sa članom 3. stav (3) Pravilnika o uslovima i načinu korištenja E-aukcije i člana 14. Pravilnika o nabavci roba, vršenju usluga i ustupanju radova broj 09-05-26263/15 od 27.11.2015.godine i Pravilnika o izmjenama i dopunama Pravilnika o nabavci roba, vršenju usluga i ustupanju radova broj 02/12-05-10708/18 od 16.05.2018.godine, a na preporuku Komisije za javnu nabavku radova Općinski načelnik, d o n o s i :

O D L U K U

o izboru najpovoljnijeg ponuđača u predmetu - Izvođenje radova nužnih popravki na objektima kolektivnog stanovanja, krovovi i fasade - LOT 1

I

Prihvata se preporuka Komisije za javnu nabavku radova i okvirni sporazum za javnu nabavku u predmetu - Izvođenje radova nužnih popravki na objektima kolektivnog stanovanja, krovovi i fasade za LOT 1, broj obavještenja 422-1-3-238-3-117/18 objavljenom u Službenom glasniku br. 67/18 dana 28.09.2018.godine i na Portalu javnih nabavki Agencije za javne nabavke BiH dana 25.09.2018.godine, dodjeljuje se ponuđaču BAHEN-GRADNJA doo Sarajevo, sa ponuđenom cijenom za okvirni sporazum u iznosu od 294.782,68 KM sa uračunatim PDV-om.

II

Otvaranje i analizu ponuda provela je Komisija za javnu nabavku radova (u daljem tekstu: Komisija), u skladu sa odredbama Zakona o javnim nabavkama. Zapisnik sa otvaranja ponuda i Zapisnik o pregledu i ocjeni ponuda Komisije za javnu nabavku radova sa preporukom za dodjelu okvirnog sporazuma u spisu.

III

Zadužuje se Služba za zajedničke poslove, da ovu Odluku objavi na web stranici Općine www.novigradsarajevo.ba, istovremeno sa upućivanjem iste ponuđačima koji su učestvovali u postupku javne nabavke u skladu sa članom 70. stav (6) Zakona o javnim nabavkama, te nakon isteka žalbenog roka pripremi okvirni sporazum i dostavi Općinskom načelniku na potpis.

IV

Obavezuje se ponuđač iz tačke I ove Odluke da u roku od 5 (pet) dana od zaprimanja iste, dostavi dokument – Potvrda od Centralne banke BiH o stanju računa tražen u podtački 3.3. tenderske dokumentacije, koji se odnosi na ekonomsku i finansijsku sposobnost.

Svi dokazi/dokumenti koje će dostaviti odabrani ponuđač moraju biti originali ili ovjerene kopije i ne mogu biti stariji od 3 mjeseca, računajući od momenta predaje ponude.

Konstatuje se da je ponuđač iz tačke I ove Odluke dostavio sve tražene dokumente u skladu sa članom 45. stav 2. tačka od a) do d) Zakona - podtačka 3.1.3. tenderske dokumentacije, te se oslobađa nakandnog dostavljanja istih.

Obrazloženje


Postupak javne nabavke pokrenut je Odlukom o pokretanju postupka javne nabavke u predmetu Izvođenje radova nužnih popravki na objektima kolektivnog stanovanja, krovovi i fasade - LOT 1, br. 02/12-23-19034/18 od 18.09.2018.godine. Javna nabavka provedena je putem otvorenog postupka za dostavu ponuda br. obavještenja 422-1-3-238-3-117/18 objavljenom u Službenom glasniku br. 67/18 dana 28.09.2018.godine i na Portalu javnih nabavki Agencije za javne nabavke BiH dana 25.09.2018.godine.

Zapisnikom sa otvaranja ponuda od 17.10.2018.godine Komisija je utvrdila da su u ostavljenom krajnjem roku za otvaranje ponuda za LOT 1, blagovremeno i propisno upakovane dostavljene dvije (2) ponuda i to od strane ponuđača Ahat doo Sarajevo i Bahen-Gradnja doo Sarajevo. Zapisnik sa otvaranja ponuda dostavljen ponuđačima na fax.

- Analizom ponude ponuđača Ahat doo Sarajevo, Komisija je utvrdila da je isti:
- na stranici ponude 11. u Obrascu za cijenu ponude-radovi LOT 1 datom u Aneksu 3. tenderske dokumentacije u stavci "REKAPITULACIJA-LIFT KUĆICA; UKPUNO BEZ PDV-a" korektorom izvršio prepravku cijene, te pri tome izvršenu prepravku nije potpisao, ovjerio niti datirao;
 - na stranici ponude 18. u Obrascu za cijenu ponude-radovi LOT 1 datom u Aneksu 3. tenderske dokumentacije u stavki "8.Nabavka i ugrađivanje AL trake 30/3....." korektorom izvršio prepravku cijene i ukupne cijene, te pri tome izvršenu prepravku nije potpisao, ovjerio niti datirao;
 - na stranici ponude 19. u Obrascu za cijenu ponude-radovi LOT 1 datom u Aneksu 3. tenderske dokumentacije u stavki "5.Izrada izlaza na krov od poc.Limom....." korektorom izvršio prepravku cijene i ukupne cijene, te pri tome izvršenu prepravku nije potpisao, ovjerio, niti datirao;
 - na stranici ponude 20. u Obrascu za cijenu ponude-radovi LOT 1 datom u Aneksu 3. tenderske dokumentacije u stavki "4. Izrada hidroizolacije preko postojeće hidroizolacije, hladni premaz bitulitom....." korektorom izvršio prepravku cijene i ukupne cijene, te pri tome izvršenu prepravku nije potpisao, ovjerio, niti datirao;
 - na stranici ponude 22. u Obrascu za cijenu ponude - radovi LOT 1 datom u Aneksu 3. tenderske dokumentacije u dijelu "ZIDARSKI RADOVI GN 301 GN 581; ZIDARSKI RADOVI UKUPNO" korektorom izvršio prepravku cijene, te pri tome izvršenu prepravku nije ovjerio, niti datirao;
 - na stranici ponude 31. u Obrascu za cijenu ponude-radovi LOT 1 datom u Aneksu 3. tenderske dokumentacije "REKAPITULACIJA; LIMARSKI RADOVI GN 771" korektorom izvršio prepravku cijene, te pri tome izvršenu prepravku nije potpisao, ovjerio, niti datirao;
 - na stranici ponude 47. u Obrascu za cijenu ponude-radovi LOT 1 datom u Aneksu 3. tenderske dokumentacije "REKAPITULACIJA; GROMOBRANSKE INSTALACIJE GN 871" korektorom izvršio prepravku cijene, te pri tome izvršenu prepravku nije potpisao, ovjerio, niti datirao;

Komisija je utvrdila da je ponuđač Ahat doo Sarajevo propustio popuniti Obrazac za cijenu (Aneks 3.) u skladu sa postavljenim zahtjevima za sve stavke koje su navedene, te je na taj način postupio suprotno odredbama podtačke 4.1.4. tenderske dokumentacije i odredbama člana 18. stav m) Uputstva za pripremu modela tenderske dokumentacije i ponuda (Sl.Glasnik BiH br. 90/14), kojima je vrlo precizno definisano na koji način se vrše ispravke. Na osnovu navedenog, istoimena ponuda je odbačena i nije bila predmet dalje analize.

Komisija je pristupila analizi i procjeni dokumentacije priložene uz ponudu ponuđača Bahen-Gradnja doo Sarajevo, te je utvrdila da je ista potpuna i da ispunjava formalno-pravne i kvalifikacione uslove tražene u tenderskoj dokumentaciji. Komisija je izvršila i računsku kontrolu prihvatljive ponude, te konstatovala da ista ima slijedeću računsku grešku:



Na stranici 2 ponude; Aneks 2 IZJAVA PONUĐAČA ZA LOT 1- stoji "Cijena naše ponude (bez PDV-a) je 257.092,86 KM ... Popust koji dajemo na cijenu ponude je 5.141,85 KM...Cijena naše ponude, sa uključenim popustom je 251.951,01 KM...PDV na cijenu ponude (sa uračunatim popustom) 42.831,67 KM.... Ukupna cijena za ugovor je 294.782,78 KM..."
a treba da stoji:

"Cijena naše ponude (bez PDV-a) je 257.092,86 KM ... Popust koji dajemo na cijenu ponude je 5.141,85 KM...Cijena naše ponude, sa uključenim popustom je 251.951,01 KM...PDV na cijenu ponude (sa uračunatim popustom) 42.831,67 KM....

Ukupna cijena za ugovor je 294.782,68 KM..."

U skladu sa primjenom Zakona o javnim nabavkama, Komisija je dostavila ponuđaču akt kojim je traženo izjašnjenje na uočenu računsku grešku. Aktom br. 753/18 od 31.10.2018.godine ponuđač je dao saglasnost na uočenu računsku grešku.

Nakon što je Komisija utvrdila da je jedna od pristiglih ponuda odbačena i nije bila predmet dalje analize i vrednovanja, a da je ponuda ponuđača Bahen Gradnja doo Sarajevo prihvatljiva, a obzirom da je za ovaj postupak bilo predviđeno provođenje E- aukcije, odlučeno je da se postupi u skladu sa članom 3. Pravilnika o uslovima i načinu korištenja E-aukcije stav (3), odlučeno je da se ovaj postupak okonča u skladu sa članom 69. tačka 1. stav a) Zakona.

Daljom analizom uočeno je da je prihvatljiva ponuda za 14.782,68 KM veća od iznosa određenog u Odluci o pokretanju postupka javne nabavke (bez PDV-a procjenjena vrijednost nabavke za LOT 1 iz Odluke iznosi 239.316,24 KM i sa uračunatim PDV-om iznosi 280.000,00 KM). Komisija je za potrebni dodatni iznos zatražila mišljenje od Službe za finansije aktom broj 02/12-23-19034/18- Up.10 za LOT 1 od 29.10.2018. godine. Služba za finansije je aktom broj 02/09-14-sl./18 od 30.10.2018.godine dala saglasnost na traženi dodatni iznos od 14.782,68 KM, te je na osnovu dobivene saglasnosti Komisija nastavila sa procedurom javne nabavke.

Za predmetnu nabavku provedenu putem otvorenog postupka dostavljene su dvije (2) ponude, od kojih je samo jedna prihvatljiva, računski ispravna i ispunjava kvalifikacione uslove tražene u tenderskoj dokumentaciji, te je shodno tome predmetni postupak završen u skladu sa članom 3. Pravilnika o uslovima i načinu korištenja E-aukcije stav (3) i članom 69. tačka 1. stav a) Zakona.

Budući da je Komisija pravilno i potpuno izvršila ocjenu prihvatljive ponude ponuđača Bahen-Gradnja doo Sarajevo, shodno kriteriju najniže cijene (tačka 5.1. tenderske dokumentacije) utvrđeno je da ponuđena cijena za okvirni sporazum –LOT 1 iznosi 294.782,68 KM sa uračunatim PDV-om.

Obzirom na navedeno u cjelosti se prihvata Zapisnik o pregledu i ocjeni ponuda Komisije za javnu nabavku radova sa preporukom za dodjelu okvirnog sporazuma, te je odlučeno kao u dispozitivu Odluke.

Pouka o pravnom lijeku

Ponuđač/i koji su sudjelovali u ovom postupku mogu radi zaštite svojih prava i pravnih interesa, izjaviti žalbu ugovornom organu u roku od 10 dana od prijema pismene obavijesti (Odluke) o izboru najpovoljnijeg ponuđača. Žalba se podnosi u pisanoj formi u dovoljnom broju primjeraka u skladu sa članom 99. i 101. Zakona o javnim nabavkama.

Obradila
Enisa Babić, dipl. pravnik

- Dostaviti:
1. Ponuđaču/ima- učesniku/icima postupka
 2. Služba za zajedničke poslove
 3. A r h i v i u spis



Općinski načelnik
mr. Semir Efendić